

濟陽縣志卷之一

邑令臨桂胡德琳纂修

輿地志

濟之置邑非古也著自秦陽邱朝陽自漢臨邑自
宋魏章邱自隋唐邑之自金非古也雖然星紀天
輿隸地乃疆乃里因前軌而邑之依然禹甸之原
隰也奚弗古抑聞之古以治不以時以人不以地
區之畫之經緯布之黃農其未遠哉言登一代風
土之書志輿地

濟陽縣志

卷之一 分野

一

分野

石氏星經北斗七星七曰搖光主齊

星經歲星主泰山徐州青州兗州

象緯攷十二國有十六星其次舍在牛女之下齊一

星在九坎之東

春秋緯文耀鉤太行以東至碣石王屋砥柱冀州屬

樞星三河雷澤至海岱以北兗州青州屬機星

史記燕齊之疆候辰星占虛危

史記干支古野干甲齊支申齊

漢天文志北斗七星所謂璇璣玉衡以齊七政夜半
建者衡衡殷中州河濟之間平旦建者魁魁海岱
以東北也

後漢志玉衡第五星主兗州常以五辰日候之甲辰
爲東郡陳畱丙辰爲濟北戊辰爲山陽泰山庚辰
爲濟陰壬辰爲東平任城凡八郡

晉書天文志自須女八度至危十五度爲元枵於辰
在子齊之分野屬青州

費直起女六度
蔡邕起女二度

唐志浮屠一行兩戒占野云須女虛危元枵也初須

五度餘二千三百七十四秒四少中虛九度終危
十二度其分野自濟北東踰濟水涉平陰至於山
荏循岱岳衆山之陰東南及高密又東盡萊夷之
地得漢北海千乘甯川濟南齊郡及平原渤海九
河故道之南濱於碣石古齊紀祝淳于萊譚寒及
斟尋有過有鬲蒲姑氏之國其地得陬訾之下流
自濟東達於河外故其象著爲天津絕雲漢之陽
凡司人之星與羣臣之錄皆主虛危故岱宗爲十
二諸侯受命之府又下流得婺女當九河末派比

於星紀與吳越同占

宋天文志天市垣二十二星其次舍在房心之側東
西列各十一星其東垣第七星曰齊

通志州郡躔次濟南郡入危一度統縣十四曰東平
陵曰鄒平曰臺曰梁鄒曰土鼓曰於陵曰陽邱曰
般陽曰莒曰朝陽曰歷城曰獠曰著曰宜成著卽
今濟陽也

通志州縣分野濟陽著屬濟南郡

舊志元枵爲齊分野元枵危也濟南入危一度濟邑

濟陽縣志

卷之一 分野

三

隸濟南郡最號密邇其爲危無疑

按分野之說世或疑之就東省論則如繹史云虛
危在北齊表東海降婁實西魯宅曲阜此其位次
與地不相協者也又博雅云在天一度統地三千
九百三十二里今山東全屬惟青萊登距省號遠
然相去不過千里極東之與西南之與北僅在一
二千里內而州郡躔次以濟南郡入危一度千乘
郡入危四度平原郡入危十一度何千數百里內
而相差若是以濟邑言之隸在濟南里距九十自

應入危一度然苟移隸千乘平原不又將移作四
度十一度耶且如舊論山東一省已占危之一度
四度十一度計中國十二州已盡周天三百六十
五度而東西南朔之爲外國者不知凡幾豈其不
統於天而無星之可分乎此說之難通者矣然竟
等謬悠之論則古今占驗有歷歷不爽者又何以
說是知天文微渺難言管窺之見烏能仰測惟以
勤民者敬天自可調燮造化卽或妖稜見野亦將
轉咎爲祥星野之首列夫固欽若之旨云

沿革

少昊氏 爽鳩氏之墟

虞 青州兗州之域隸季荊氏

以標竿鎮等處屬青故著縣等處屬兗

夏 青兗之域隸季荊氏

殷 青兗之域湯隸有逢伯陵末為蒲姑氏

周 成王滅蒲姑氏封師尚父地隸齊國

春秋 為甯戚采地及犁邱邑地晉荀瑤伐齊取轅及犁即犁邱也

秦 置著潒陰等縣邑為故著縣

後入臨邑 餘賴地 後入章邱

俱屬齊郡

漢 著縣及陽邱縣地屬濟南郡

東漢 省陽邱朝陽獠入東朝陽隸濟南郡

魏 東朝陽地

晉 為東朝陽地隸樂安國

南宋 改東朝陽曰朝陽屬齊郡本隰陰著二縣地

僑置臨邑屬東魏郡

北齊 廢朝陽置高唐縣又省著縣入臨邑縣

隋 改高唐曰章邱邑為章邱臨邑二縣地竝屬齊

郡

唐 初章邱臨濟亭山臨邑并屬譚州貞觀元年譚州廢章邱等改屬濟南郡臨邑改屬齊州邑仍爲章邱臨邑二縣地隸河南道齊州濟南郡

五代 章邱臨邑二縣地屬齊郡

宋 爲章邱標竿鎮及臨邑故著縣地隸齊州政和六年陞齊州爲濟南府隸京東東路

金 天會七年始割章邱之標竿鎮臨邑故著縣置濟陽縣屬濟南府

濟陽縣志

卷之一

沿革

六

元 屬濟南路

明 屬濟南府

皇清因之

按邑自金天會始置未置以前邑故章邱臨邑二縣地也通志於虞夏殷時章邱屬之青州臨邑屬之兗州而以濟陽直屬兗州舊志直屬青州殊爲掛漏夫濟邑界接章邱里許距濟南歷城甚邇章邱歷城皆屬青州臨邑屬兗州則邑在虞夏殷時爲青兗分治明矣自周以後章邱臨邑皆屬齊則

邑亦爲齊地據左傳晏子云昔爽鳩氏始居齊其後季荊因之有逢伯陵及蒲姑氏因之而後太公因之則邑爲爽鳩季荊有逢伯陵蒲姑之舊蓋可考也舊志以邑西二十五里爲春秋邾國謂卽魯襄公十三年所取邾也稽漢書任城亢父縣有邾亭在今濟寧州南六十里離今濟陽較遠則非邑治明甚通志固已辨之綱目漢元帝永光三年立子康爲濟陽王質實註云濟陽漢初縣名屬濟陰郡後爲濟陽國故城在山東兗州府曹縣西南考

濟陰之爲濟陽是晉所改郡名漢初濟陽縣屬陳畱郡故址在河南開封府蘭陽縣東故自漢以前之濟陽屬陳畱郡自晉所改之濟陽屬濟陰以濟陰爲陳畱之濟陽已誤而以金所置爲漢唐宋之濟陽則又誤之誤者也其亦以濟陽名者邑在大清河之北本濟瀆也自清河合濟入海通得濟之名濟水繞其南故曰濟陽計開建至今六百有餘歲其前混於他邑然則人物故蹟之沒而不彰者可勝道哉

疆域

縣在濟南府東北九十里東西廣一百四十里南北
袤六十五里

東至齊東縣界八十里至縣治九十里

東南至章邱縣界一里至縣治七十里

南至歷城縣界二十五里至縣治九十里

西南至齊河縣界六十里至縣治一百三十里

西至禹城縣界六十五里至縣治一百二十里

西北至臨邑縣界六十里至縣治九十里

北至武定府之商河縣界四十里至縣治九十里

東北至武定府之惠民縣界六十里至縣治一百四
十里

北至直隸順天府一千里

南至江南江寧府一千五百里

按邑幅幘廣袤二百餘里視古侯國爲贏視今大
邑爲縮然邑無小民社之重寄焉誠能悉心畫理
夫固有戴星出入而日不暇給者其孰敢自矜
足而不奮勉馳驅也哉

形勝 邑無山河渠
詳見水利

兩川畱禹迹邑當濟漯之間百里屬齊疆地駕鄒譚

而上 通志

濟水近而紆於前土河遠而控於後四無山岨曠然

平地草木陰森居民繁劇 古志

高城古岸綠水迴環登高而望前山轟轟蒼翠交浮

近在目睫間皆可收為一邑之勝 舊志

濟水達於沽河古屯雜於林莽 鹽法志按
沽疑作枯

繡野平鋪烟村斜繞望遠山而滴翠盼古樹以生烟

濟陽縣志

卷之一 形勝

九

慶際河清深淺溥舟航之利欣傳土沃高低驗景

物之饒錯二壤於西東雙丸並列 邑外有地二屯
一在齊河縣一

在章邱縣 闔一門於南北三面遙通 邑無北門 雖乏赫赫之

雄風實附泱泱之大國 新增

八景

濟水澄波 郭之南百步許清河環抱如帶水色溶

溶流光淼淼每秋清波靜鼓楫溯洄不知身在塵

世中也

韶臺遠眺 臺在曲堤鎮東北隅世傳為子在齊聞

韶處臺高百尺祠宇巍然登高望遠雲霞萬狀令人有憑虛御風之想

古栢蒼煙 聖廟中有古栢數株世傳學博王公省盡節於此每朝煙籠樹上日出方散其殆忠義之氣所凝結耶百代而下猶凜凜有生氣矣

奎樓曉日 奎樓舊在邑城西南隅余以方位形勢俱未叶吉爰副衆望移置東南隅因城爲臺架層樓其上妥 魁神於中規制較前閎敞每登樓四望山環水抱岳峙淵渟當旭景初升光華奪目流

連景物視昔倍勝矣

蘇橋曙色 新市城北詳見古蹟橋畔垂柳千株清曉籠以曙色縹緲祥光不絕如縷亦自有致

祠堂夜月 楊文安公祠中碑石歲遠上有浮光夜月相映清輝搖漾滿祠皆明惜今荒廢不可復覩矣

禪塔晚燈 塔在聞韶臺西突兀插天高可數百尺上有仙燈夜光隱閃眞靈蹟也

靈泉黑霧 城西北之黑水灣其深莫測時時黑霧

縈繞中有潛龍禱雨輒應

按修志家各濫觴八景幾成陋習然傳聞已久於以表一邑之勝槩點綴景物供騷人韻士凭眺追尋亦未遂大垂風雅卽邑景論臨清流而鑑精白之衷登韶臺而思解阜之化低徊孔殿烈風偕古栢常森徙倚蘇橋逸興與垂楊並遠祠堂奎閣不盡清輝禪塔靈泉還畱勝迹景無幻設言有足徵固非若海市蜃樓徒作空中結構也因錄存之任淺人見淺深人見深云爾

古蹟

著城 縣東北三十里曲堤鎮故城址係秦所置著縣漢屬濟南郡水經漯水逕著縣故城南是也地理志註師古曰著音直庶反韋昭誤以爲蒼龜之蒼字失之遠矣寰宇記三著城在臨邑東南五十里相傳地生神蒼每年貢四十九莖蓋後人緣韋昭所讀而神其說也

臨邑故城 在縣西南境宋武帝於隰陰縣地僑置臨邑縣隋唐因之隋志臨邑有鵲山有隰陰城唐

元和志黃河在臨邑北七十里是臨邑在鵲山之北而古黃河之南縣本析臨邑縣地所置故城在其境內舊志云縣西二十五里有故城疑卽臨邑城也邑志訛爲郛城

新市鎮城 在縣西北五十餘里金志臨邑有新市鎮元至元二年割入濟陽是鎮去今臨邑四十餘里舊志云省縣作鎮未詳何自一云南北朝時曾僑置中山國之新市縣於此故名

馬防城 在縣東北境按後漢書建武三十年封

子復爲臨邑侯原注臨邑縣屬東海故城在今濟州東亦名馬防城宋武帝初立東魏郡治馬防城後改治臺縣城馬防本在臨邑東南割入縣境今縣東北六十里有仁風鎮城相傳卽其地漢曰馬坊宋以後作馬防洪武元年設巡檢司八年裁革聞韶臺 在縣東北三十里曲堤鎮世傳孔子在齊聞韶處元建大成殿有肅政廉訪使王士熙記明萬歷二十一年武德道副使尹應元重修復建萬世宗師坊其聯云玉振金聲三月獨含千古味鳳

儀獸舞兩階猶動四方風邑景中韶臺遠眺卽此蘇武斷糧橋 縣西六十里新市城北卽邑景蘇橋曙色也舊傳蘇武斷糧於此

按邑在西漢爲著縣及陽邱地其時中國一統武以天子使臣微論西塞道不經此卽經此何至斷糧說甚不稽今查左側有段家橋竊意此橋或以段姓所建其人卽姓段名梁後訛斷糧耳緣相傳已久故列而辨之

黃山谷碑 在縣東北曲堤鎮今殘毀

趙子昂碑 在儒學西廡下碑書修廟學記

揭傒斯碑 在城西十二里

夫子廟堂碑 在孫耿鎮唐駕部郎中程浩撰記未詳廟堂來歷其年月字跡皆漫滅不可辨元末頽壓明嘉靖乙酉致仕官王欒重鑒於鎮之寺中其文曰天地吾知其至廣以其無不覆載日月吾知其至明以其無不照臨江海吾知其至大以其無不容納料廣以寸管測明以尺圭航大以一葦廣不能逃其數明不能私其質大不能亡其險偉夫

夫子後天地而生知天地之始先天地而沒知天地之終非日非月光之所及者遠不江不河潤之所浸者博三代禮樂吾其損益百王憲章吾其消息君臣以位父子以親家國用和鬼神以饗道不可筌其有物釋不可證於無生一以貫之我先師夫子聖人也古之帝聖者曰堯古之君明者曰禹堯之德有時而息禹之功有時而窮我夫子之道久而彌芳遠而彌光用之而昌舍之而亡昔否於宗周今泰於皇唐不然何耀袞而裳垂珠而王者

矣碑陰云興心置地設意建立報本無私辛勤有
力悼我父志未完早世念昔先人至歿不易蓋其
子所系贊也

指南碑 在文廟之東大書指南二字蒼勁秀逸義
亦雅切署曰子夏山人王文翰書明嘉靖中置也
漢棗 在治南三里廟中老幹枯削蟠屈槎枒旁有
小株蒼秀挺異相傳炎漢時植雖未可據要亦數
百年物云

唐桑 舊傳亦在三里廟中今無存邑前輩鄧光玉

有題漢棗唐桑二律蓋國初猶及見也

按古蹟韶臺蘇橋與八景複見蓋景呈其槩而蹟
核其實故不厭詳也至舊志所載郛城已辨證於
沿革後茲削之指南碑漢棗唐桑亦古蹟之一
傳聞久且衆也爰附焉

約莊

東鄉

孝約城內

弟約東關

直字共二約

里離城十二莊十八

利約

里離城三三莊十

心字共三約

里離城九三莊十五

止約

里離城六四莊十

存字共三約

里離城八三莊十六

公約

里離城三四莊十

平字共二約

里離城九四莊十五

循約

里離城六五莊十五

知字共四約

里離城領城五五莊四

理字共二約

里離城領城七五莊十

畏字共二約

里離城領城七五莊十五

美約

里離城領城六五莊十八

濟陽縣志

卷之一 約莊

十六

德約

里離城領城六四莊十

天字共二約

里離城領城七六莊十五

守約

里離城領城六六莊十四

懷約

里離城領城四六莊十五

法字共二約

里離城領城六七莊十四

歡字共三約

里離城領城三六莊十

愛約

里離城領城二五莊十六

忻約

里離城領城六一莊十五

喜字共二約

里離城領城六七莊十八

忍約

桑離城領城六六莊十

耐字共四約

七離城十里六十二里至

謙字共二約

里離城領城十八莊十

溫字共二約

里離城領城七七莊十

柔約

里離城領城九五莊十五

恭約

里離城領城九八莊十

和約

里離城領城四七莊十五

南鄉

忠約南關

省約 領離七城十莊里

身約 領離十城五莊里

克約 領離十城八莊里

端約 領離六城八莊里

賢字共二約 領離七城十莊里

為好二約 十離里城十領五莊二

聖任吉三約 共離城九十八里

學字共三約 領離十城八莊里

勸約 河離鎮城十八里迴

希約 里離領城九莊十

康約 里離領城七莊十五

寧約 里離領城三莊十

睦約 里離領城二莊十二

豐約 里離領城三莊十五

哲約 里離領城四莊十

濟陽縣志

卷之一 約莊

十七

貴字共二約 廊離務城三十五里廟

宣約 里離領城五莊十五

進約 里離領城三莊十四

足約 里離新城集四街十

修約 里離領城五莊十五

盛約 里離領城五莊十

習字共二約 里離領城四十五

講約 里離領城三莊十

持字共三約 里離領城七十五

有約 里離領城六莊十

操約 里離領城六莊十四

篤約 里離領城五莊十

常約 里離領城六莊十五

昌字共二約 里離領城八莊十

謹約 里離領城二莊十四

千字共二約 里離領城六莊十三

貞約 里離領城一莊十五

栢約 里離 領城 四二 莊十八

君約 里離 領城 八二 莊十四

祿約 里離 領城 四二 莊十六

敬約 里離 領城 十三 莊十五

淵約 里離 領城 三二 莊十七

恤約 里離 領城 三二 莊十五

富約 里離 領城 五二 莊十五

仁約 里離 領城 五二 莊八

任約 里離 領城 一十 莊八

已約 里離 領城 四二 莊十

智約 里離 領城 八二 莊十

西鄉

信約南關之西

方約 領離 十城 二四 莊里

清約 領離 三城 六里 莊

淨字共二約 領離 七城 十里 莊

濟陽縣志

卷之一 約莊

實約 里離 領城 六十二 莊

介約 領離 三城 七里 莊

訥字共二約 里離 領城 七十 莊五

六約 里離 領城 六十五 莊

濮約 里離 領城 十十 莊八

聰約 里離 領城 四三 莊十

悟約 里離 領城 七三 莊十

剛約 里離 領城 六二 莊十五

毅約 里離 領城 三二 莊十五

真約 里離 領城 二三 莊十

延約 里離 領城 二五 莊十

綿約 里離 領城 二五 莊十

莊約 里離 領城 二四 莊十

行約 塚離 石城 三街 十里

言約 里離 領城 七三 莊十五

淑約 里離 領城 六三 莊十五

福約 里離 領城 四四 莊十五

肅約 里離 領城 四四 莊十五

慎約 里離 領城 五四 莊十

惠約 里離 領城 六四 莊十

萬約 里離 領城 五四 莊十五

物約 里離 領城 二四 莊十

明約 里離 領城 八三 莊十五

於約 里離 領城 八五 莊十

靈約 里離 領城 二五 莊十五

秀約 里離 領城 七六 莊十

人約 里離 夏城 六口 街十

鍾約 里離 領城 四五 莊十五

伍約 里離 領城 五五 莊十七

安約 里離 領城 五五 莊十

然字共二約 里離 領城 六五 莊十五

煖約 莊離 城 鄭五十五里 領三 戶

祥約 莊二 李家莊三 實一莊 里離 領城 三六 莊十

吉約 里離 領城 七六 莊十

濟陽縣志 卷之一 約莊

如約 里離 領城 六六 莊十

意約 里離 領城 五六 莊十五

包約 里離 領城 四六 莊十

北鄉

府約 領離 城 八三 莊里

禮約 領離 城 四六 莊里

三約 領離 城 七八 莊里

惕約 領離 城 三三 莊里

力約 里離 領城 六十五 莊

事約 里離 領城 二十二 莊

廉字共二約 里離 領城 六二 莊十

恥字共三約 里離 領城 二五 莊

正字共二約 里離 領城 九十八 莊

義約 葛離 城 店二十里

水約 里離 領城 二二 莊十五

火約 里離 領城 三二 莊十二

冰約 領離城二十里

森約 里離城七莊十

春約 里離城十二莊十八

金約 里離城五莊十五

復木約 曲離城三十四街里

性約 里離城九莊十

陽約 里離城六莊十八

用約 領離城十四莊十

厚字共二約 里離城九莊十五

谷約 里離城十五莊五

生約 里離城八莊十八

土約 白離城五街里

陰約 里離城六莊十五

暑約 領離城六莊十

寒約 里離城八莊十

日約 里離城五莊十五

月約 里離城五莊十

星約 里離城六莊十

濟陽縣志

卷之一 約莊

辰約 里離城七莊十

宙約 里離城九莊十五

見約 里離城九莊十

視約 里離城二莊十

照約 里離城二莊十八

嚴約 里離城五莊十五

宇晰約 里離城十一莊五

東官莊

東太平 十離城六

流浪河 十離城七

孟家井 十離城七

馬家窪 十離城七

南官莊

馬家塋 五離城十

淮里窪 十離城二

西官莊

南太平 十離里城五

西太平 十離里城五

藥王莊 十離里城五

哈叭溝 十離里城四

羊欄口 十離里城五

田家屯 十離里城二

孟家窪 十離里城二

東開河 十離里城三

濟陽縣志

卷之一 約莊

王家窪 五離里城十

北崔 十離里城六

楊家莊 十離里城五

里仁莊 十離里城三

北官莊

尚家坊 十離里城二

玉皇廟 十離里城三

尚家橋 十離里城三

鐵梁寺 十離里城四

大太平 十離里城五

興同莊 十離里城五

耀德莊 十離里城五

高白瑩 十離里城六

東西索 十離里城二

王家塚 五離里城十

白草窪 六離里城十

中開河 十離里城三

南崔 十離里城五

新市 十離里城五

楊家溝 十離里城四

秦家墳 十離里城三

唐家廟 十離里城三

安平莊 十離里城四

雙柳樹 十離里城五

北太平 十離里城四

東瓦屋 離城四里

中瓦屋 離城四里

西瓦屋 離城四里

董家莊 離城五里

併衛屯地

大官屯南鄉盛約 離城四里

洪家屯南鄉修約 離城四里

艾孔屯南鄉習約 離城四里

李家屯南鄉講約 離城四里

高官屯南鄉敬約 離城五里

羅家屯南鄉敬約 離城四里

馬連屯在河東章邱界 離城二里

按邑約莊屯地統計二百有奇土地人民萃其中

矣而城關孝弟忠信八約清淨端方異其役官莊併衛

異其賦前為創後為因若有不容紛更者以其合

民情而宜土俗也至催輸之法在昔以差地約保

共為之不無騷擾余以息訟和民屬之約保而以

催輸屬之地方以其專責成而識緩急也抑余有

餘思焉王興官莊之八家其隱存同井遺意於阡

陌間乎誰其師橫渠而嘗試之

市鎮

城內 逢三日集

東關 逢一六日集

南關 逢八日集

西關 逢二七日集

仁豐鎮 治東北六十里逢四九日集
仁今風作

回河鎮 治西南二十里逢一六日集

孫耿鎮 治西南四十里逢四九日集

曲堤鎮 治北三十里逢一六日集

桑家渡鎮 治東六十里逢一六日集

葛家店鎮 治東北十八里逢四九日集

鄆家渡鎮 治東北四十里逢五十日集

宰家店鎮 治東北五十里逢三八日集

吳家寨鎮 治南十五里逢五十日集

新集鎮 治西南四十里逢一六日集

廟廊務鎮 治西三十里逢五十日集

夏口鎮 治西六十里逢四九日集

新市鎮 治西六十里逢一六日集

杜家水口鎮 治西北三十里逢五十日集

石橋 即堞

李家集 治北二十五里逢二七日集

商家橋鎮 治北三十里逢四九日集

姜家集 治北四十里逢五十日集

唐家廟 治北四十里逢三八日集

瓦屋頭 治北四十五里逢二七日集

三教堂 治北五十里逢五十日集

白橋鎮 治北六十里逢二七日集

按古有司市之吏所以平物價理鬪爭也但多一

人即多一人之擾後世廢而不設宜矣而壟斷爲

奸亦或不免舊有趙令奉撫勒石猶凜凜垂戒云

風俗

士好經術矜名節民務農桑負意氣婚喪相助獎

嫉惡不遺餘力猶爲直道而行者

通志

正月朔雞鳴時燃燈燭作供禮天地神祇祖先

長巳乃交相拜賀

元宵張燈爲樂放花火飲宴達夜婦女或有請

以下爲戲者

寒食男婦祭掃塋墓標紙錢增新土

清明戴花插柳枝於門有尋春郊外者號曰踏青亦

濟陽縣志

卷之一

風俗

二十五

有架鞦韆之戲

五月五日食角黍飲蒲酒製艾虎香囊有以五色線

作繩繫臂仿續命縷之遺

六月六日汲水造神麩士曬書女曬衣

七月墾供祖先薦麻穀

八月十五夜置月餅瓜果祭月宴飲

九月九日登高阜樓閣飲菊酒

十月朔復祭掃塋墓

十一月長至日官府拜賀如元旦士民亦或相慶

十二月八日啜臘粥童女悉以是日穿耳

廿三日設牲醴菓蔬祀竈

除日易門神貼春聯以示更新藝爆竹以驅凶穢

冠禮爲人道之始筮賓醮子古人所重濟俗總角弱

冠皆從其便三加之禮不行已久倘有修明古訓者舉而行之爲閭閻式亦守土者所樂聞也

婚禮先以媒妁傳言次通婚書非至貧者不受財于歸前饋送妝奩男家行催妝禮至期壻備儀仗肩輿鼓樂張燈往婦家親迎及旦婦至三日廟見拜

翁姑尊長壻同婦赴女家俗曰回門歸始執婦功喪禮親歿三日殮焚用楮帛弔賻者至倩客迎賓逢七延浮屠追薦惟詩禮之家始不理佛事葬日置明器題神主率遵古禮近日競尙侈靡多設棚障爲樓坊之形備極華美而親朋致祭亦多用燒炙購求奇花古玩以塗飾耳目不如此則恐人謂之儉故喪多久停不葬者

祭禮士大夫有家廟藏主於中四時祭薦寒食墓祭卽享神胙於旁雖販夫販婦亦知負楮鏹以往也

十月一日亦然

按管子論齊云水道遒勁而急故其民粗而好勇
隋志云齊郡風俗男子多務農桑崇尚學業曾鞏
齊州詩序云齊固爲文學之國然亦以朋比夸詐
見於習俗此論齊俗梗概亦卽濟俗梗概也今試
言其近古者則士多敦厚自守無鬪訟武斷惡習
田野男婦粗衣糲食無浮華艷冶之態工多椎魯
不尙奇技淫巧商所貨皆布帛菽粟絕無織靡綺
麗之觀是其儉樸有餘也獨於送死一節競事美

觀張樂結彩多陳古玩廣設賓筵至假貸破產不
惜雖云君子不以天下儉其親然獨不聞聖賢明
訓曰喪與其易也寧戚曰喪致乎哀而止曰喪具
稱家之有無而顧不循禮盡制何爲耶况其所竭
力措辦皆無益於化者死而有知徒增怨恫仁人
孝子之心安乎今除徵伶演戲例有明禁其餘一
切量力審禮黜華崇實正士君子主持風俗之要
務也

物產

穀總名也邑獨歸之未治小米而百穀無得稱焉其先種後熟者俗曰鐵板頭曰毛穀曰鑄鑄穀曰金苗穀曰大細穗後種先熟者曰竹葉青曰大頭黃曰小細穗曰拔穀曰烏穀曰紅黍穀曰龍爪穀後熟勝先熟受氣足也而鐵板頭大細穗爲尤美其敗爲糝子

稻惟旱稻無他種

豆先種後熟曰牛腰齊曰鐵甲豆曰連葉豆曰紅小

濟陽縣志

卷之一

物產

二十八

豆曰茶豆後種先熟曰青豆曰菘豆曰黃豆用各異宜

黍爲黑爲白爲紅

稷爲黃爲紅爲白

芝麻惟白

高粱先種後熟曰黃羅傘曰老瓜座曰柳木几後種先熟曰六葉曰打鑼槌

麥厥大惟牟厥小惟來厥稜惟苽厥包惟玉林

蔬爲芹爲菘爲菠爲莧爲蔓菁爲萵苣爲芫荽爲苘

萵爲地環爲蒼蠶爲眉豆爲扁豆爲長角豆爲葫
蘆爲白蘿蔔胡蘿蔔爲茅窩爲秦椒爲馬勃爲蘑
菇爲茄爲薑爲葱韭蒜芥爲青薊菜爲苦菜爲灰
菜爲兔兒酸其於瓜也爲王瓜爲菜瓜爲南瓜爲
冬瓜爲絲瓜爲稍瓜爲甜瓜爲地瓜西瓜非蔬也
舊志亦云小也故不錄

果爲文官果爲蘋果爲秋果爲沙果爲無花果爲蜜
果爲花紅果爲硃砂紅爲土培紅爲石榴爲葡萄
爲梨爲栗爲柿其於杏也爲紅爲白其於桃也爲

絳桃爲扁桃爲凍桃爲胡桃其於李也爲青脆爲
玉皇子其於棗也爲小棗婆棗長棗凍棗酸棗之
屬

花爲紫薇薔薇爲牡丹芍藥芙蓉爲海棠地棠爲鳳
仙雞冠金雀馬纓爲玉簪金簪爲木槿爲荷爲蘭
爲菊爲萱爲蜀葵爲向日葵爲石竹扁竹山丹茶
麝苾麝月季爲迎春爲含笑爲瑞香爲丁香爲結
香爲滿地嬌

木爲文廟古栢爲漢棗爲唐桑爲高老槐爲松爲椿

爲檜爲桑柘榆桐楸楮柳杜其於楊也爲青爲白
草爲吉祥爲苜蓿爲芭蕉爲貼壁爲爬山虎爲蘆葦
茅茜艾蒿蓼莠葛藤之屬

藥非道地畧

泉貨爲繭絲爲綵麻爲棉爲靛爲大布爲蜜蠟油薪
炭煤硝磺之屬

羽毛爲雁燕鶯鷹鳩鴿鴣烏鷓雉麻雀啄木鶴
鶉鷺鷥爲狐兔鼠蝟之屬志所見也家畜不與焉
鱗介爲鯉鯊鯽鮎鯊鱸爲蛤蠃蝦蟹

濟陽縣志

卷之一

物產

三十

昆虫爲蜂蝶蟬蛙蜻蜒促織蜘蛛螳螂蚰蜒馬蛇螻
蚓之屬細甚弗詳

按濟所產於日用常需猶或不足就土俗見聞畧
紀一二初無美稻良木異花珍果堪貢上方之物
固可息豪奢之情而養和平之福也